

van festelle [:] festella festelle festelle festel-
 li festello festello festella festellu(m) Ende
 alle maniere(n) van zeerheden, die hu deere(n)
 of deeren moghen, die hu es co(m)men an, dat ru-
 me(n) en(de) sceede(n) moete huut uwen hoofde,
 huut uwe(n) lede(n), huut hwen vleesche, huut uwen
 bloede, In de heere van ih(esus)x(ristus)., onsen
 lieve(n) he(er)e, In die heleghe name, dat god
 gheboren was: Job, job staet up en(de) ghelo[v]est
 an den zoeten helegghen kerst. Job, seiti, die
 tsnuchtens staet up ghesont, die [es] snavons ghe-
 wont. Ende die snavons es ghewont, die es snuch-
 tens ghesont. Also zuver so moete dese creature
 ghenesen als ih(esus), soete wonde(n) deden, amen.
 Jh(esus).x(ristus). was in erderike ghewont, dat
 was in hemelrike cont, ih(esus).x(ristus). wonden,
 sine zwoeren en(de) sine vulden niet, sine lijn-
 den en(de) sine sciede(n) niet, sine [h]adden
 gheene maniere van mesquame(n), noch gheene ma-
 niere va(n) zeerheden, nichte meer soene moeten
 dese creature hebben dan .ih(esus). soete wo(n)den
 deden, In gods namen, amen. [M]aria, die moeder
 gods, lach in liste om die ghebenedide heleghe
 .V.wonden te cussene. [S]oe custete die helghe
 .v.wonden. [M]aria was zuver en(de) soe ghenas.
 Also zuver so moete dese creature ghenesen als
 .ih(esus). soete wonden deden, In de heleghe name,
 dat god geboren was, En(de) in die selve name .N.//
 [S]o moeti hebben die gherechte bate en(de) boete
 van der crunen van uwen hoofde tote onde[r] de
 planten van uwe(n) voeten. Van den witten worme,
 van den zw[a]rte(n), van den roeden worme, van den
 gheluwen worme en(de) van den dooden worme, Van den
 festelle en(de) van der plane, van sente loys eve-
 le, van sente iobs evele en(de) van allen zweeren-
 de evelen gheheel, daer ye sonne of mane up sceen,
 beede die ic nome ende die ic niet en nome, en(de)
 die ic niet ghenomen en can, so wat evel dat es,
 Dat ghi daer of moet [h]ebben die gherechte bate
 en(de) boete +, also ghewaerlike als ic mij(n) hant
 ter erde ghemoete, Ic sende hu vrede, gratie,
 cracht en(de) macht met desen [cruce] +, dat god
 selve vrijde en(de) vrede up den helegghen soeten

ff Typen
 heereken
 Job

oo wie

is pastre

wil
 xj

Wormen

ich
 als Macht
 habe